

ցել է երկու կրակի մէջ. Խօնսարցի Միրզա Մէհրի* գիւղա-
տիրոջ մահւան պատճառով ինքնիշխան աղաներ գլուխ են
բարձրացրել ու աշխատում են գիւղի տէրը դառնալ: Այս
տարւայ հունձքն ստանալու համար կառավարական իշխա-
նութիւնն ուղարկել է Մօրթէնաղուլի խանին, սա էլ իր
կողմից՝ Մէհրաբ և Ալի խաներին է ուղարկել, միւս կողմից
Սալար Ազամի մարզիկը՝ Աբտալ և Ալադի խաները ամեն
կերպ աշխատում են իրենք ստանալ, այնպէս որ խեղճ գիւ-
ղացիութեան համար ստեղծւել է անելանելի մի դրութիւն,
երկու կողմից էլ մարդիկ են ուղարկւած գիւղ հարկն ստա-
նալու համար, որոնք ամեն տեսակ բռնութիւններ են գոր-
ծում. խեղճերը չգիտեն որին բաւարարութիւն տան, մնա-
ցել են յուսահատ դրութեան մէջ և իրականութիւնն այն
է, որ նրանց ամեն բոլոր փոսնգ է սպառնում:

№	Կ Ա Ր Գ Ե Ր	Շունչ
1	Աղբատ	200
2	Չուննոր	100
3	Միջակ	223
4	Ուննոր	100
5	Հարուստ	—
	Ընդամենը	623

Շ Ո Ւ Ր Ի Շ Կ Ա Ն

Միլակերտից դէպի արևմուտք, կէս Փարսախ հեռու,
սարերի փէշին, ապառաժոտ մի բլրի վրայ ընկած է Շու-
րիշկանը. սա զուտ հայաբնակ, բաւական գեղեցիկ, բանաս-
տեղծական գիրքով փոքրիկ մի գիւղ է, որի առաջը զարդար-
ւած է ուռենիների, բարդիների և կաղամախիների տնկա-
րաններով, իսկ հիւսիսային և հարաւային կողքերին փուլած
են ծովանման արտերը: Խմելու ջուրն աղբիւրի է, որոնք
բլխում են գիւղի փէշերից, բայց գիւղի զարդը կազմում է

* Սա այն բռնակալ և արինարու աղան է, որ տարիներ տարուկի պէս
ծծել է գիւղացիների արիւնը. Ա. Ե.